

中国边疆研究资料文库·边疆史地文献初编

# 西北邊疆

第一輯

中国边疆研究资料文库·边疆史地文献初编

# 西北邊疆

第一輯

西北邊域考

邵陽魏 源著

國家威稜震疊際天稽顙括地成圖東盡東海南盡南海西不盡西海北不盡北海而欲徵圖朔貊馳輪弱水厥制嚴武至雄以博竊鉤稽冊之遺聞諏都護之屬吏除○盛京吉林黑龍江號東三省爲滿洲根本重地不屬邊防外其西北落服疆以戎索綱紀條列可得而云一曰正北內蒙古亦有偏凡出口之路

五曰獨石口張家口古北口喜峰口殺虎口口外四十九旗皆曰內藩蒙古合歸化城土默特二旗計之

合五十一旗分東西六盟其東四盟當東三省及直隸邊外西二盟當山西陝西甘肅邊外皆在漠南皆

聽○天朝設札薩克札薩克每旗一人或世爵或簡放總理旗務其部凡二十四并歸化城則二十五一曰正北外蒙古亦有

備西分西路北路中路東路四部凡四汗其汗以下有親王郡王貝勒貝子公台吉等典內蒙古同共八十一旗自設札薩克俱在漠

北北漠北四部落總稱喀爾喀由正北迤西曰準部即天山北路喀爾喀之西與科布多接壤科布多橫

互於準部喀爾喀之間過此則伊犁東路界準部本有四衛拉特用兵後以其爲大聚落曰伊犁東路曰

伊犁西路曰庫爾喀喇烏蘇曰塔爾巴哈臺皆準之舊地也今皆有重兵稍東南近腹地爲鎮西府迪化

州亦準舊地而稱安西北路非天山路矣由西北迤西南即天山南路皆回子境準部及蒙古皆古稱行

國回則漢書三十六城郭之裔以哈密爲北止境以闕展爲南首境再東南則爲安西南路非天山路矣

由西南更西南曰衛曰藏曰阿里曰喀木○天朝設駐藏大臣司其事而達賴喇嘛副之藏王則虛存

貝子爵而已非有土之君也衛藏曰前藏阿里喀木曰後藏正西曰青海與藏與準皆接壤界甘肅四川

邊境凡五部有喀爾喀有輝特有土爾扈特有和碩特有綽羅斯設青海辦事大臣一凡衛拉特之人亦

可稱蒙古猶喀爾喀之得稱蒙古也其版圖不隸○天朝者又有西屬國西屬國亦分三路北路爲哈

薩克近準部故南路爲布路特爲安集延爲溫都斯坦爲愛烏罕爲那木干近回部故溫都斯坦古中印度地西南

路爲巴勒布爲作木郎爲落敏陽爲布魯克巴近西藏故又有北屬國亦分三曰烏梁海

此亦一名而三處在極北而稍

東曰巴眼虎曰科布多

在北而稍西

科布多雖一國而隸之者七種彷彿西之有青海焉大抵○大清國之北

境東起鴨綠江黑龍江逾兩蒙古西訖準部袤二萬餘里皆接俄羅斯界故俄羅斯爲北徼極大之邦從古不隸中國其水皆流入北海矣視北斗則在南矣以上東之八大類惟蒙古最親附其五十一旗內蒙古直古雍冀幽并營五州北境所謂漠南也其新藩蒙古喀爾喀則古漠北地也秦漢時匈奴所居言頓強始并漠南武帝時遁歸漠北後漢爲北匈奴地歷代皆與漠南諸部爲盛衰至元太祖建都於此曰和林其後盡有漠南諸部遂帝中國順治末年仍歸漠北後始號喀爾喀共七部有三汗雍正中以額駙策凌奮擊噶爾丹功封爲四汗我○朝龍興之初內蒙古歸附最先每大征伐帥師以從而喀爾喀外蒙古則康熙中爲準噶爾破逐款塞內附○○○聖祖親巡塞外受其朝復親征噶爾丹掃平漠北而返之於故地設定邊左副將軍一參贊大臣一以鎮撫之凡兩蒙古之君長皆隸理藩院世其爵祿通其婚姻時其朝貢制其等威定其牧地均其互市內宿衛○禁廷外捍禦要荒縱橫萬餘里臣妾百餘旗蓋曠古所未有至準回二部則皆古西域地也皆出嘉峪關外○國家平準噶爾之地易其名曰伊犁<sub>城</sub>曰烏魯木齊<sub>城</sub>曰巴里坤<sub>城</sub>曰哈密<sub>城</sub>及平西域諸回部若闐展若新疆若哈拉沙拉若庫車若沙雅爾若賽里木若拜城<sub>以上各城</sub>若阿克蘇<sub>城</sub>若烏什<sub>城</sub>若喀什噶爾<sub>城</sub>若葉爾羌<sub>城</sub>若和闐<sub>城</sub>咸入版圖設將軍參贊都統提鎮及辦事領隊諸大臣及侍衛司官有差其回部司事各官則曰伯克或謂地廣而無用官糈兵餉歲解賠數十萬耗中事邊有損無益曾亦思西兵未罷時勤○○○三朝西顧憂且沿克魯倫河長驅南牧蹂躪至大同歸化城甘陝大兵不解甲費豈但倍蓰哉且夫一消一息者天之道哀多益寡者政之經○國家醴醢孳生中國土滿人滿獨新疆人寥地曠牛羊麥麩蔬蔬之賤播植澆灌旣裘貿易之利

金礦之旺徭役賦稅之輕且綱又皆什倍內地窮民服賈牽牛出關至輒長子孫百無一反是天留未闢之鴻荒以爲○盛世消息尾閭者也是○○聖人損益經綸之義所必因焉乘焉者也奈何徂近安忘昔禍惜涓埃之費昧溟渤之利以甘里閭鄙儒眉睫之見邇者逆回蠢動思踞故都喀什噶爾葉爾羌烏什三城信息中斷而阿克蘇扼其中道則北五回城必安帖無事乾隆初犁葉爾羌巢穴時時大軍會阿克蘇兩路進攻其前事矣至西甯西藏二處○○先朝尙未大煩兵力止各設總理事務大臣一人駐治非蒙古準回諸部爲○國家邊宇至大至要者比某足迹所至北廬古北口而止西廬秦蜀近界而止未嘗歷九關使絕域祇據圖籍傳聞隱括梗略其詳則有待焉



綏服西屬國記

邵陽魏 源著

漢書自玉門陽關出西域有兩道南道西踰葱嶺則出大月氏安息北道西踰葱嶺則出大宛康居焉耆諸國大率土著有城郭田畜與匈奴烏孫異俗蓋新疆內地以天山爲綱南回北準而外地則以葱嶺爲綱東新疆西屬國屬國中又有二由天山路而西北爲左右哈薩克由天山南路而西南爲左右布魯特雖同一游牧行國而非準非回非蒙古矣迤葱嶺而再西北爲安集延西南爲巴達克山爲愛烏罕雖亦皆回教城郭之國然嶺以西之屬國非嶺以東之郡縣矣方○○王師戡定準回已拓版圖周二萬餘里豈尙有意貢譯於聲教不通之區臣妾於葱嶺以西之部而大時人事展轉輻輳若有意若無意不鞭笞而就我銜勒不招致而附我藩藩故阿逆之叛逆爲準部之大不幸而左右哈薩克卽以阿逆之通而臣貢兩和卓之叛逆爲回疆之大不幸而布魯特及葱嶺以西諸國卽以兩和卓之通而臣貢者若必舉天山之南北葱嶺之東西居國行國侏儒椎結睚眦之民盡以畀我○大清而後已豈前代發轡軒輶金幣鑿空招徠所幾其萬一者哉漢世天山以北爲烏孫逐水草諸國天山以南爲城郭三十六國唐設北庭安西都護開置四鎮自昔風氣判然南北而北路雄強南路每爲之服役要皆各君其國各子其民時絕時通竊際勿久更何問葱嶺以外○○欽定西域圖志貫串漢唐以伊犁當烏孫以喀葉二城當疏勒高車諸國至北而哈薩克則昔之康居安集延則昔之大宛南而布魯特則昔之循牀捐毒巴達克山則昔之烏程愛烏罕則昔之大月氏其朝貢獻見或有常期無常期商稅或有定額無定額不悉其遠近強弱夷險向背曷以籌控馭哉

哈薩克分左右三部左部在準噶爾西北右一部在準噶爾西皆北界俄羅斯東去塔爾巴哈臺南去伊犁皆千里其左部曰鄂爾圖玉斯東西千里南北六百里環境皆山西北境曰伊什河地苦寒其汗惟盛

夏居之餘時逐水草游牧廣莫蕃茂穀糧羊馬風俗物產文字略同準部而語言稍異乾隆二十年二月準噶爾平阿睦爾撒叛明年走哈薩克誘煽其汗阿布賚將軍達爾黨阿哈達哈兩路進討阿布賚遣相集博爾根以四千騎從阿逆走魯臘而自率千餘騎西行會於毫阿臘克山下以待七月將軍達爾黨阿兵遇和集前隊二千於雅爾臘山勁騎突其中堅破其伏賊潰斬六百級禽其渠楚魯克又擊和集後隊二千騎於西路陷陣獲其輜輳斬三百級而北路軍亦敗阿布賚於毫阿臘克山下斬二百級獲其渠帥昭華什三戰三捷遂抵伊什河伊什河者阿布賚庭帳也乃遣所獲渠帥歸諭使禽阿逆而阿逆亦已遠竄明年將軍兆惠富德等復以兵西追深入阿布賚遣使請罪獻良馬且遣兵鄉導前驅誓禽阿逆以獻適阿逆先覺遁俄羅斯乃禽獻其黨而和集博爾根亦率三萬戶款於軍門將軍兆惠啟帳命東向坐將軍南向坐列筵食之牲醴哈薩克回俗必持呪破戒乃食至是言爲○○大皇帝臣僕敢泥禁因飽噉引觀花馬射射鎗子甲皆徹札哈薩克益大駭服於是定互市地於烏魯木齊自後隨時朝貢爲例哈達克之有三玉斯族猶準部之有四瓦刺族也左部鄂爾圖玉斯已臣其右二部齊齊玉斯烏拉玉斯亦稱中部西部西部亦名塔什干方與中部構兵阿布賚使與我使臣單騎入兩陣間指揮宣檄皆解甲聽命適我參贊大臣富德方追厄魯特逸賊至右部軍於莽格特城外遂詣軍納款其地東南接準部南接布魯特安集延納木干諸部西南踰塔什干西六百餘里地在葱嶺上游有哈喇庫勒即釋典所謂阿耨達龍池蓋崑崙之巔也其哈沙斯河錫爾洽河之間岡嶺綿亙北爲騰吉斯大澤尙有北部接俄羅斯境至今未通中國云瀕河兩岸有城五蓋左部游牧逐水草爲古康居在烏孫西北匈奴之西大宛之東故塞暑徙帳卽康居國王冬居樂越惡地夏居蕃內之俗而右部則有城郭與康居五小王所治五城合爲大宛北鄙故或言哈薩克卽大宛云

布魯特分東西部東部五西部十有五東部在天山北準部之西南近葱嶺距伊犁千四百里每部長皆以鄂托克爲名舊游牧於特穆圖泊左右爲準部所迫西遷寓安集延○王師定伊犁始復故地二十三年六月將軍兆惠等追厄魯特逸賊至其界遣侍衛往諭其頭目薩雅克部薩拉巴噶什部兩鄂托克不自主別推一年長者瑪木克呼里主之年九十餘體碩跌坐腹垂至地不能遠行遣使獻牛羊百頭將軍等燕而示之講武咸詫服曰○○天朝騎射之利禦雖聞之至於發必命中層甲洞穿馬上三鎗連發五矢左右迭射離馬及地騰上復馳離厄魯特兵亦不及宜乎東殄準噶爾西服哈薩克何有於我等小部落乎於是衆撫定霍索楚及啟臺兩鄂克六日至其地并上四部共二千餘戶而薩婁鄂拓克亦於七月以所部五千戶來歸東布魯特五部皆遣使入朝其西十五部則在天山南回部喀什噶爾城西北三百里道由鄂什踰葱嶺而至其部落每部所轄或二百餘戶或七百餘戶或千有三百餘戶共二千餘萬口皆以額德格納部長之部落雖分而游牧同地猶蒙古之四子部落也逐水草游牧衣冠風俗皆同東部乾隆二十四年大軍追逆回徑其地其渠長奉將軍書曰額德格納布魯特部小臣阿濟畢恭呈如天普覆廣大無外如愛養衆生素資滿佛之鴻仁如古伊斯于達里之神威如魯斯坦天下無敵之大勇所舉三者皆西域同部先代之賢汗猶中國頌堯舜也富有四海○○乾隆大皇帝欽命將軍之前謹率所部自布哈爾以東二十萬人眾盡爲臣僕頭目等以未出痘不敢入中國謹以使入朝○京師將軍兆惠表聞於是十五部落亦內附設二品至七品頭目由將軍大臣奏放歲進馬受資減其商稅遣使巡其部落同內地焉布魯特持教同回部而居無城郭游牧同厄魯特而不崇黃教其疆域風俗皆介準回之間人貧而悍輕生重利喜擄掠雖厄魯特強盛時亦不能馴服之東部爲烏孫西鄙古所謂塞王種也西部則南屬葱嶺東連疏勒之循休捐毒也唐時爲大小勃律俗皆不土著無城郭故由鄂什口出葱嶺則諸部落正當其麓

敖罕者葱嶺以西回國也有四城俱當平陸最西爲敖罕城

亦曰浩罕  
亦曰霍罕

其渠居之最東曰安集延與布魯

特毗連去喀什噶爾城五百里好賈遠游徧南北二路從安集延西北行八十里爲瑪爾噶斯城有二萬

餘戶又西八十里爲納木干城萬餘戶

納木干一曰奈曼

又西八十里爲敖罕城三萬餘戶皆濱那林河南提

葱嶺四城皆有伯克而敖罕城額爾德尼爲之長又有塔什干等城以三和卓分轄其眾亦附庸於敖罕

故亦講敖罕八城然塔什干爲哈薩克族實不盡屬敖罕也其西又有布哈爾國環之世爲勁敵敖罕風

俗略同南路諸回城而熱勇倍之乾隆二十有四年大軍追霍集占霍集占遣使欲投安集延安集延不

報既而將軍遣侍衛撫定布魯特諸部至其境厄爾德尼酋迺至城內日饋羊酒瓜果餼糧氈毼良馬詢

訪中國疆域物產風俗形勢兵馬器械侍衛廣宣○朝廷威德額爾德尼畏慕奉表并上將軍書稱爲至

威至勇如達賚札木西特之將軍旋貢馬○京師然亦無所謂汗血者其後霍集占兄弟爲巴達克山所

殲有博羅尼都二子逃赴敖罕故敖罕有回酋遺孽云漢書稱自疏勒西踰葱嶺則出大宛康居諸國疏

勒今喀什噶爾城從其城西踰葱嶺爲出安集延之道安集延諸城土著耕田有城郭廬室而富強善賈

善戰亦大宛遺風

巴達克山

亦作達克山

葱嶺西南回國也扼葱嶺之右去葉爾羌千有餘里西北至伊西洱河有城郭負山扼

險戶口十餘萬乾隆二十有四年逆回酋霍集占兄弟爲○王師所敗西奔巴達克山詭言假道往墨

克國謁其教祖而縱兵肆掠其酋素爾坦沙因執博羅尼都而以兵攻圍霍集占於阿爾渾楚嶺霍集占

屢敗被禽拘之於柴札布柴札布者巴達克山繫囚處也時副將軍富德進軍瓦漢城移檄索賊素爾坦

沙以逆酋與己同裨罕巴爾之裔欲縛獻恐爲諸部所責既而霍集占復陰約塔爾巴斯國使攻巴達克

山而溫都斯坦國亦興兵謀奪霍集占兄弟大軍又壓境檄索素爾坦沙乃遷霍集占兄弟於密室以二

百人圍殲之而馳獻其馘率所部十萬戶及鄰部博羅爾三萬戶俱納款二十五年遣使入朝貢刀斧及八駿馬自是職貢不絕漢書皮山國在于闐西西南至烏秬國千有三百餘里今自和闐至巴達克山亦千三百餘里其國治葱嶺南四面皆山河抱城東兩崖有懸度之險唐書謂之竭盤陀國去疏勒西南六百里治葱嶺負徙多河卽古之烏秬今之巴克達山矣

愛烏罕在巴達克山之西亦大回國也有三大城曰喀賓曰堪達哈曰默沙特其喀賓城三面皆山堪達哈城四面依山其汗所都默特沙城舊屬伊蘭部爲愛烏罕所并遂兼治三大城每城相距皆二十餘程地廣數千里北界布哈爾南界溫都斯坦東界巴達克山勝兵十有餘萬惟火銃刀矛無弓矢重農粟鮮物采商旅罕至自兼并溫都斯坦後於是金絲之段工縷之玉奄豎傳令聲明文物出諸國上初乾隆廿四年霍集占爲○○王師所敗假道巴達克山赴愛烏罕巴達克山中道邀而殺之愛烏罕及溫都斯坦各興師問罪巴達克山汗懼乃貽中國文綺具言霍集占負中國及授己國之罪愛烏罕遂與連和合兵拒溫都斯坦愛烏罕汗亦聞中國之盛未知其道里遠近遂遣使偕來欲以覘中國廣大二十七年入貢爲中國回疆最西之屬國於古爲大月氏境再西爲默克等部卽回教祖國中隔沙漠過此卽海南有思布部落過此亦海皆安息條支境域然其海皆西人所謂地中海非大西洋之海也其克什彌爾之屬爲古罽賓等國惟通市不貢者不悉言

新疆南北二路外夷環峙然其毗鄰錯壤作我屏衛者惟哈薩克布魯特兩部落而已哈薩克三部有汗王公台吉世襲以理其游牧三歲一貢歲一市以馬羊易段布而稅其百一布魯特亦如之歲遣領隊大臣巡視食市長威易於羈馭此外巴達克山距葉爾羌二十五驛愛烏罕距葉爾羌四十驛克什彌爾距葉爾羌五十一驛溫都斯坦距葉爾羌九十四驛皆西隔葱嶺無係邊防雖散罕部之安集延商賈徧於

南北諸城會貿易無他慮且距葉爾羌亦二十餘驛敖罕境狹人稀外之不及布噶爾什二內之僅當阿克蘇一隅其繁庶惟安集延一區不盡爲所屬道光二十二年敖罕遂爲布噶爾所滅虜其酋長頭目遣使告捷於卡倫布噶爾者距葉爾羌四十驛其地西北界俄羅斯南界愛烏罕東界敖罕及布魯特富強數千里統轄數百部不尙回教自古聲教兵力所不至乾隆以來惟通市不列朝貢既并敖罕始接邊陲云此外通市之部尙有距葉爾羌十三站之瓦罕之綽譯之赫斯圖濟距葉爾羌十五站之博羅爾之沙克拉克之克南之羅善之乾竺特距葉爾羌十八站之達爾瓦斯之窩什距葉爾羌二十站之博羅爾之沙克拉克之葉爾羌三十站之霍錦之科拉普三十三站之塔爾罕之渾塔斯之鄂勒推帕三十七站之納木干之塔什罕距爾哈三十九站之圖伯特五十站之喀斯尼六十站之坎達哈爾六十二站之拉虎爾雖時通貿易不能自達於○天朝又或即各大國之附庸部落不足比數也

西北墾務調查彙冊  
(全)



總論西盟

查前大臣辦理蒙旗營務共分東西兩盟而西盟之地則分兩  
盟曰伊克昭盟曰烏薩察布盟伊盟有七旗曰杭錦曰達拉特  
曰郡王曰札薩克曰準噶爾曰鄂托克曰烏審烏盟有六旗曰  
四子郡王曰達爾漢曰茂明安曰烏拉特前旗曰烏拉特中旗  
曰烏拉特後旗兩盟十三旗除伊盟之烏審察漢交抗至今未  
歸烏盟之四子郡王尚未大放外餘均一律開放已放竣者則  
伊盟之郡王札薩克鄂托克烏盟之達爾漢茂明安旗也已放  
而未竣者則伊盟之杭錦準噶爾烏盟之前中後三旗也惟伊  
盟之達拉特旗則地屬永租不與放營之列烏爾西盟開辦之  
初原議從烏盟之烏拉三公旗入手嗣因烏盟六旗聯盟抗拒  
而伊盟之杭錦達拉特則先後遣派蒙員來城商議準噶爾郡

王札薩鄂托爲審等旗亦先後遣使蒞止或報永租或請放墾於是前之擬從烏盟入手者一變而專注於伊盟矣厥後伊盟各旗陸續開放烏盟仍堅不報墾嗣由查辦蒙古事宜王大臣和碩肅親王嚴札催責並派遣員陸續修來總裏辦該一盟六旗始於光緒三十二年聯銜呈報地段聽候開墾洵是烏伊兩盟墾務始一律就議竊查西盟墾務辦理有難于東盟者地質遜於東而能放地畝又較東墾爲少一也地方遼闊地段零落設局多而靡費鉅二也離口過遠地多遊民放地不易領地不多三也給蒙銀數於東爲鉅四也地不多而地質又次則押荒之所入者少設局多用費鉅則押荒之耗虧者多然此但西盟各旗之旱地之虧墊也故墾旱地一經放竣撥局即無廢續之虧墊其虧耗尚在一時而西盟之絕大漏卮歷年虧耗至今靡

有底止者則水地之渠工是也蓋西墾之地以水地為勝水地者統錦達拉特烏拉特前中旗也地居河套在狼山之南黃河之北本黃河之故道比年黃河南徙潤出河底遂淤積成地淤泥質肥而具膠性遇水則融化滋長無水遂堅成石因此套地之所以有渠工也計自二十九年始至三十四年四月十一日止統達烏渠工共計用款伍拾肆萬叁千餘兩除本係修渠專款外計虧墊公款肆拾陸萬餘兩之多此西墾水地之虧耗也盡西墾之入以治西墾之事出入尚屬不敷其鉅乃查點前大臣先期以偽欺押荒而為公司盡數斷統錦旗地統錦旗者伊盟之精華也更以統旗所買得之地價偽欺烏拉特押荒以盡佔烏拉特三旗地故烏拉特者又為盟之膏腴也甚至準噶爾旗僅餘拾款項稍腴之地亦必盡入之於公司而後快也達拉